



Arubaanse Courant

Anja 25

DIARAZON 8 APRIL 1964

No. 5005

IRENE TA NENGA DI BAI MEXICO

Amsterdam

-- Princesa Irene di Hulanda

a abstené su mes pa hasi un viaje pa Mejico den compania di su mayornan y a anuncia su decision di "separa su responsabilidadnan personal di e debenan di e famia real". E anuncio di e princesa a ser duna den un comunicado qu a worde publica pa su secretaria priva un ratu despues qu e princesa di 24 aña di edad a provocá un sensacion di no a presenta den e aeropuerto Schiphol di Amsterdam pa viaha pa Mejico, via Houston (TEXAS, Estados Unidos).

Reina Juliana a warda casi mei ora riba Irene na e aeropuerto promé di a cohe avion cu awa na wowo, compaña pa prins Bernhard y princesa Beatrix.

E anuncio di princesa Irene ta bisa cu tabata pa "deseo di su futuro esposo" cu e princesa a dicidi na comparti su trabao awor, tumando na cuenta tur e consecuencianan cu esaki por tre-

se. E compromiso di princesa Irene cu Don Carlos de Borbon Parma, yiu homber di 32 añ trono di Spaña a causa un controversia amplia ora cu nan a anuncia esaki na januari ultimo. Ne mesun tempu despues cu e yiu di e famia real hulandes, di religion portestant, adopta e fe catolica di su comprometido e, controversia grandi akia worde produci.

E comunicado di e princesa ta bisa:

Pa tal motibu, e princesa lo no a acompaña su mayornan durante e bishita di estado pa Mexico, a fin di separa su responsabilidadnan personal totalmente pa su actonan, di e debenan di e famia real y especialmente pa no crea dificultadnan politica ne reina.

Tambe e comunicado ta bisa cu como resultado di su decision, su matrimonio cu Don Carlos lo worde tené pafor di Hulanda. Provisionalmente nan a worde señalá pa tuma lugar na Den Haag. Esaki al parecer ta un esfuerzo pa eludi e insistencia di gobiernu ulandes di cu ora cu Don Carlos casa cu e princesa, pa e bandona su pretencionnan riba e trono di Spaña.

Ademas e comunicado cu a ser duna pa e secretaria di e princesa, Señorita M.C. Wijnen, un comunicado cortico a ser duna di conoce na e aeropuerto Schiphol, den un conferencia di prensa di doctor Jan van der Hoeven, secretario di Reina Juliana.

E Reina y principe Bernhard cu hondo pesar a tende e decision di nan yiu, segun a ser informá despues. Den e turbulenta conferencia di prensa, e oficial di informacion di gobiernu, doctor Gerrit Jan Lammers, a splica cu e princesa Irene no ta renuncia su derechonnan di sucesion ora cu e ta esposa di Don Carlos. Esaki Lammers a hasi riba preguntanan di e periodistanan. Un periodista a puntra con e situacion lo bira si e avion den cual La Reina, Principe Bernhard y

princesa Beatrix ta biahando cai, anto con esaki lo termina? E bo-cero di gobiernu a contesta:

"Irene lo bira Reina". Despues el a agregá: "Princesa Irene ta keda eligible pa subi trono hulandes te na e momento cu e casa cu Don Carlos. Pues actualmente e ta mantene tur su derechonnan, pero asina cu e ceremonia di matrimonio a worde realisá, anto tur su derechonnan a ca-ba.

FATUM Tel. 1845
pa tur bo aseguranan

E portavoz a manifesta cu su declaracionnan y esunnan cu a ser hasi den e comunicadonan tin e aprobacion total di e gabinete hulandes. Un gran multitud y mas o menos 100 periodista a observá e drama cu a desarrola su mes na e aeropuerto di Schiphol, mientras cu Reina Juliana, su esposo y princesa Beatrix, di 26 aña, en vano tabata spera e yegada di princesa Irene. Tambe e ministro di relacionnan exterior hulandes, Joseph Luns a hasi e biaha di 14 dia pa Mejico.

Sin embargo, e avion DC-8 di KLM, a lanta ne ora señalá pa Houston, na unda e gobernante hulandes lo pasa anochi, pa continua nan viaje mañan den avion presidencial mexicano. E prome incideo di dificultadnan a surgi ora cu su Mahestad urgentemente a yama e hefe di informacion, doctor Gerrit Jan Lammers, na e aeropuerto pa splica e situacion na prensa.

Na e mesun tempu, e secretaria di princesa Irene apresuradamente a dirigi su mes pa aeropuerto cu e comunicado di e princesa.

Rectificacion

Den nos relato bou dje portret di e trabou di expansion na e supermercado di La Esperanza na Oranjestad, cual nos a publica dialuna nos a scirbi cu e parti nobo ei La Esperanza na Oranjestad lo worde expande cu un tercera parti.

Pero senyor E. Wever, director di La Esperanza a hala nos atencion ariba esaki despues



Diadomingo atardi nos a saca e potret aki di Srta. Daisy Croes, reina di carnaval di Aruba Caribbean Hotel di 1964.

E week-end hunto cu Srta. Trina Arends nan tabata huesped di e directiva di hotel, como premio pa su eleccion como reina di e hotel. E week-end a resulta masha festivo, na unda e damanan a keda den e suite di segundo piso, y na unda campanja no tabata falta.

cu e superficial lo no bira solamente un tercerapartimá grandi, pero cu e parti nobo lo cubri mes tanto supericio cu e parti existente, y cu e supermercado na Oranjestad lo bira dos bes grandi di loke e ta actualmente.

Saludos Arubano for di Hulanda.

Oranjestad, 8 april - Dia Huebes venidero lo ser transmiti via voz di Aruba pa 7' or y 15 minuut e programa saludos for di Ulanda. Saludos ta bini for di Hilversum y Arnhem, y lo papia e siguiente studiantenan: Myrna Hernandez, Dorothy Martijn, Ellen Tjon Sie Fat y Fried Felen. Repeticion di e transmision aki lo tuma lugar dia 11 venidero pa 7.15 P.M.

Trinta anja den Servicio di Lago

Oranjestad, 8 April. Awe siete empleadonan a cumpli, of lo cumpli e luna aki, treinta anja den servicio di Lago. Nan ta e siguiente srnan: Fred J. Legenhausen, Hugo V. Croes, Marc VC. Richardson, Fernando Kock, Facundo Feliciano, Estanislao Henriquez y Norberto C. Winklaar. Sres. Croes y Richardson a cumpli net awe treinta anja den servicio. Sr. Legenhausen a cumplinan caba. poco dia pasa, mientras cu e fechanan correct di e otro ju-

biarionan ta: di Sr. Kock dia 9 di April, Sr. Feliciano dia 10, Sr. Henriquez dia 18 y Sr. Winklaar dia 22. Nos a skirbi caba tocante Sr. Legenhausen tocante e otronan por worde bisa cu Sr. Croes (53 anja) a cuminsa traha na Lago como obrero segunda clase y awor e ta traha como pipefitter "B". Sr. Richardson (53 anja) a cuminsa traha como obrero y awor ta ayudante di carpinte A. Sr. Kock (49 anja) a cuminsa traha como mucha homber cu ta encarga di colecciona muestras y awor ta ass. operador. Sr. Feliciano (54 anja) tambe a cuminsa traha como obrero segunda clase, pero awor e ta lasdo "B". Sr. Winklaar (55 anja) a cuminsa traha na Standardoil como marinero y awor ta operador. Sr. Henriquez (55 anja) tabata na principio estibador y awor pintor "C".

Embahador Cubano Foj Brazil

Rio de Janeiro, 8 April. (ANP)- E embahador Cubano na Brasil ayera a sail cu su esposa, jiu-nan y su staf personal den pura dje pais. Segun a ser anuncia foi noticianan di radio e embahador no kler a duna comentario ora cu periodistanan a puntrele na aeropuerto di Rio de Janeiro pa rason di su salida inespera. Den ciudad de Mexico e minister Mexicano



SABOR CU NUNCA TA VARIA

IT NEVER VARIES.

di asuntonan exterior a participa, cu ocho funcionario Brasileiro a hanja asilo politico na embahada Mexicano na Rio de Janeiro. E no kler a bisa tocante identidad dje personanan relaciona.

"Helen" e ganadora



Cu e potret aki, cu el a
duna e titulo "Helen",
senior A.J. Stolwijk a

gana e promer premio
di e sacamento di potret
"Salon Aruba 1964".

E hopi bunita potretnan
cu a worde ricibi pa e
concurso ta worde exhibi

na e momento den Cen-
tro Cultural.

TICO KUIPERI TA RENUNCIA PRESIDENCIA A.B.B.A.

Durante e reunion general di Amateur Baseball Bond Aruba, no e punto di eleccion di directiva, e actual president di A.B.B.A. Tico Kuiperi, a declara cu pa motibonan personal, e no ta reelige como president di e organisacion ey. Esaki a haci cu como no tabata tin otro candidato, no por a worde eligi un president e anochi ey. Pa haci esaki lo worde teni dia 4 di Mei 1964 un reunion general extraordinario. A worde reelige como miembro di directiva Lobo Ridderstap y Alex Mansur, mientras cu dos miembro nobo di directiva a bira M. Serphos y Milo Croes, kendenan ta reemplaza R. van der Biezen y N. Swaen. Resto di e miembronan di directiva ta J. Rdoriguez, Fanchi Tromp, Harry Le Grand y Johnny Oduber.

Door di e directiva lo worde obra miembronan di e diferente comissionnan. Di e 18 clubnan afilia na A.B.B.A. a presenta pa e reunion general aki un total di 14 y tambe e directiva completo. Ademas tabata presente como representante di A.S.U. A. Zaandam, como representante di Lago Sport Park Ramon Buckley y como representante di e Asociacion di Umpires y Scoreses H.C. Cornet. Directiva tabata tin diferente participacion importante di haci na e reunion. Cu tabata un perdida di mas di f.200,-- afri den e ultimo serie internacional contra di Sto Domingo tabata un di nan. Directiva solamente ta considerando di no luga weganan internacional aña mas den Lago Sport Park a cu un suma grandi, un terera parti di e perdida, ta bai

na gastonan di bala. Na Lago Sport Park ora cu un bala cai pafor door di foulball, e bala no ta bolbe den e park e anochi ey mas. Mientras cu tribunan ta completamente yen y ta haci bunit a impresion e entrada paga ta sumamente decepcionante. Torneo eliminario pa Copa Juliana lo cuminsa dia 15 di April cu e partido entre Esso y Heineken's pa ganador A, dia 17 di April lo hunga Verf Antilliana contra di Winston y dia 20 di April Zenith contra di e ganador A. Luego e finale lo worde hunga dia 27 di April entre ganador B y C. Tur e partidonan aki ta worde hunga den Wilhelmstadion. Tocante e congreso di F.I.B.B.A. cual ta worde teni meimei di e luna aki na Mexico a worde informa cu Aruba tabata un fuerte candi-

dato pa sede di e congreso, pero como cu tanto Venezuela como Mexico a ofrece pa cubri tur e gastonan di e congreso, montando te na ocho mil dollar americano gastonan cu Aruba no por a cubri e congreso a worde dicidi pa Caracas y Uego pa Mexico pa motibonan politico. Como delegado di A.B.B.A. pa e congreso lo viaha e actual president Tico Kuiperi. Informacion a worde duna tambe tocante cu directiva a manda pa Ministro tocante su ultimo proposicion en relacion cu e conflicto deportivo entre Aruba y Corsow. E contesta di A.B.B.A. tabata bisa entre o-

tro, cu e plan ta hopi hopi parecido na mas o menos diez anja pasa a worde traha y entrega door di A.S.U. E directiva a menciona tambe e intencion di pone encuentronan internacional en lo futuro contra di equiponan local reforza. Den e casonan aki pues lo no hanga mas un seleccion pero e equipo campeon reforza cu varios otro hangador. Esaki talvez lo stimula e clubnan pa traha mas duro ainda pa bira campeon. Di awor en adelanti tambe lo worde presenta na cada reunion general e candidatonan poni pa tuma puesto den directiva cu un biografia chikito di cada candidato loke ta facilita e representantenan na momento di deposita nan voto.

Bestuurscollege di Territorio Insulor di Aruba tin honor di invita pueblo di Aruba pa asisti na e inauguracion di e pista nobo pa jet di Prinses Beatrix Vliegfeld Diabierne 10 di april p.v.

8.25 a.m. Llegada di KLM (DC-8)

9.05 a.m. Llegada di KLM (Convair 880)

1.40 p.m. Llegada di PAA (Boeing 707), despues di cual ceremonia di batisamento di "Clipper Aruba"

.... Llegada di TCA (DC-8)

(Ora di llegada lo ser anuncia pa radio)

Tur cos pa Prome Santa Comunion



pa mucha homber y pa mucha muher. No spera te ultimo momento. Cumpra awor na

La Linda

LAWNTENNIS NA L.P.S.

(Di Nos Redactor Deportivo)

Den e promer siman di luna di mei, lo cuminsa canchanan renoba di Lago Sport Park e anual campeonato di lawntennis. Lo tin atrobe competencia den diferente clase y division. Den e division masculino lo tin competencia den singles y dobles clase A y mekos cu di clase B. Tambe lo tin competencia di dobel mixto, singles y dobel femenino. Pa stimula e deporte di tennis entre e hubentud Arubano lo worde teni e anja aki un campeonato di junior. Esaki lo ta pa tennis-tanan menor di 16 anja di edad. Tennistanan cu ta desea di participa por haci nan inscripcion te cu dia 25 di april. Formularionan ta obtenible na Playa den e clubnan Aruba Jrs., Caribe y Tivoli, mientras cu na San Nicolas nan ta obtenible den Lago Sport Park. Tame por haci inscripcionnan cerca Mateo Reyes, president di directiva di Lago Sport Park.

Campeonato di Junior League

E campeonato di junior league a worde stipula pa cuminsa dia 18 di April den Wilhelmstadion. Di awor en adelanti e campeonato lo worde hunga riba diasabra y diadomingo merdia, cu limite di tempo te 3.45. Un total di ocho equipo lo competi. Esaki ta Cocorico, Anton Hunink, Hilton Shoes, Friese Viag, St. Jans Knapen, Kodak, Adams Chiclets y Brazil. Durante palabra liber diferente di e representante e expresa cu ta duel nan di a tende cu e president actual no ta tuma e presidencia mas y cu nan ta spera cu promer cu e proximo reunion general extraordinario

di dia 4 di Mei ainda e lo por cambia di opinion y keda reeligible. E reunion aki cu a cuminsa 7.55 pa 9.45 ya a worde cerra.

PASTOOR KATH. KIER CONTRAE MATRIMONIO

Colonla, 8 April. (ANP)-E pastoor di 35 anja Ingo Mainka foi Porzensen cerca di Colonla diadomingo a bandona su paruchia. Prome el a tene un misa di despedida. Foi preekstoei el a bisa di no por sigul somete su mes ne presion di celibato. Mainka na 1958 a bira pastoor. E ta di tres catolico na Alemania cu e ultimo tempo aki a bandona su puesto pa contrae matrimonio.

Cumpra bo tairanan

Continental

awor y laga nos monta nan

GRATIS pa bo.

Tur tamanjo na existencia.

E. & G. MARTIJN (ARUBA) N.V.

Havenstraat 10-12
tel. 1492 - 1493

LARK - E sigaria cu ta filtra mihor

Experimenta personalmente con suave e "karbon-filter" ta funciona.

Purba e LARK nobo - y gosa dobel di bo sigaria.



DISTR. **ARUBA TRADING COMPANY** - ARUBA

J. Mil. contra Van Breet (Pres. A. Jrs.)

Door di e abogado di Juventud Millonarios, Juan B. Wix, a wordu manda un carta pa Aruba Voetbal Bond, den cual ta worde trecei adilanti cu Joventud ta mira dificultadnan den e nombramento di Urlo van Breet como un di e miembro nan di e comision di arbitrage pa e conflicto A.V.B. y Juventud Millonarios. E dificultadnan aki no ta basa contra di e persona di Van Breet, sino como cu e mes persona aki ta alavez president di Aruba Jrs.

manera nos a yega di publica caba tin indicacionnan masha fuerte cu despues di masha hopi anja de hoofdelasse. E equipo mayor di Aruba Jrs. lo no ta den e clase ey den e proximo campeonato local di futbol. Nan no ta duda di integridad di van Breet pero cu Juventud Millonarios awor ta alega cu den e comision di ar-


bitrage por cai un decision cu lo por ta di hopi importancia pa e club Aruba Jrs. Y pa evita cualkier mal interpretacion cu un decision asina di e comision lo por tin, nan no ta di acuerdo cu e nombramento di van Breet, kende ta tambe president di Aruba Jrs. Esaki ta e base di e argumentonan di parti di Juventud Millonarios, segun nan a worde

extendi na nos door di e abogado J.B. Wix.

Nos a aserca e arbitro nombra door di A.V.B., Sr. U. Van Breet, y esaki a informa nos cu e lo no entrega e nombramento back pa motibo di e carta scribi door di Juventud Millonarios. Su opinion ta cu e lo no tuma orde ni di A.V.B. ni di Aruba Jrs. ni di Juventud Millonarios. Door di acepta e nombramento di arbitro, el a acepta tambe di forza su criterio completamente independiente. E comision di arbitrage, manera acepta den e acuerdo firmado door di e dos partidonan den e conflicto, ta completamente independiente y su decision lo ta final. Cada miembro di e comision mester forma su opinion completamente personal di e problema y aplica, of no, castiga nan di acuerdo cu e reglamentonan, ta e opinion expresa na nos door di van Breet. Nos a provecha di puntra tambe com ta para cu e nombramento di tercer homber den e comision y ariba esaki nos a haja como contesta cu e otro arbitro Mr. Heufke, a expresa di prefera warda un reaccion di parti di A.V.B. tocante e ultimo carta scribi door di Juventud Millonarios. Esaki pues a haci cu te na momento di redacta e articulo aki ainda e comision di arbitrage no ta completo. Ta practicamente sigur cu directiva di A.V.B. lo no duna mucho atencion na e carta aki y lo persisti na e nombramento di U. van Breet como miembro di e comision di arbitrage. Ta mas cu logico ya cu si nan dicidi di haci un cambio, esaki lo nifica cu nan tin duda di e imparcialidad di nan propio candidato. Den e acuerdo firma tanto door di A.V.B. como door di Juventud Millonarios no tin ningun clase di condicion poni pa e dos miembro nan di arbitrage door di cada uno di e partidonan. Esaki ta nifica cu aunke uno por ta contra di cierto nombramento, e dificultad aki no ta di importancia, ya cu cada uno ta liber pa nombra cualkier persona. Asina por ehempel A.V.B. por a nombra su propio president, mientras cu Juventud Millonarios tambe por a nombra su propio president. Y sin cu ningun di dos por anula e nombramento di e otro. Ta keda ainda tog cu entre e dosnan ey, of luego door di Huez, mester worde nombra e tercer persona, kende lo ta e homber clave den e comision. Majan, diahebs ta cumpli tres siman cu e dos partidonan a acepta e proposicion di e Huez van Koot, y fecha ariba e comision di arbitrage mester ta completo. Esaki ta sea door di nombramento door di e dos arbiternan mes of door di e huez. Tempo no ta warda y nos ta considera cu mas pronto e conflicto aki worde completamente resolvi ta mihor pa uno y tur.

SOFTBALL PA COPA JULIANA

(Di Nos Redactor Deportivo)
Dia Domingo e torneo eliminatorio di softball pa Copa Juliana a continua ariba tereno di Club Caribe cu dos partido. E indionan di Caribe a worde elimina door di Douane cu anotacion di 9 carrera pa seis. E otro partido tabata entre Gavilanes de Casa Haime y Los Novatos. Den extra inning e gavilanan a resulta victorioso cu anotacion di 9 carrera pa 8.



un
desayuno
sabroso
cla den
un frega
di wowo..
claro cu
yudanza
di
REDDY!

De heer en Mevrouw V.E. Henriquez- van Swol
maken het huwelijk bekend van hun zoon

H A N S

met mej. NANCY LEE Mac EACHERN
op vrijdag 10 april 1964 te Coral Gables, Florida.

Toekomstig adres:

541 N.E. 63rd Street Apt 2
Miami, Florida.

KANTOOR NOTARIS W.F.M. LAMPE

OPENBARE VERKOPING OP DONDERDAG
9 april 1964 DES NAMIDDAGS TE 5.00 UUR
TEN KANTORE VOORNOEMD.

OP VERZOEK VAN DE BOUWCREDIET-
BANK VAN DE NEDERLANDSE ANTIL-
LEN KRACHTENS ART. 1203 B.W.

1. De verkoop van het perceel Tollenstraat
No. 5 ten name van H.A. Warner gaat
niet door.

2. het woonhuis Dr. Schaepmanstraat no. 47,
gelegen op erfpachtsgrond groot 453 m2,
staande ten name van Vincent Nicolas
Howell.
(Hypotheekkantoor C 77-40).

3. Het woonhuis Tarabanaweg No. 11.
gelegen op erfpachtsgrond groot 400 m2,
staande ten name van Epifanio Joseph
Vrolijk.
(Hypotheekkantoor C 83-66).

INLICHTINGEN OP GENOEMD NOTARIS
KANTOOR - ZOUTMANSTRAAT no. 7

TEL. 2850.

ELMAR CAMPEON COMERCIAL

(Di Nos Redactor Deportivo)
Despues di gana Aruba Chemical Industries algun dia promer, e onena di Elmar a derrota dia Sabra atardi e equipo di Petrona en Croes cu score di 2-0, cual triunfo a duna Elmar e titulo di campeon di futbol. A.C.I. por cierto tambe a obtene triunfo di 2-0, ariba e combinacion Martijn/Aruba Metal, loke a duna nan e titulo di subcampeon di e division comercial. Aparicio/Loonstra a gana di Aruba Hotel tambe cu score di 2-0. Den e division comercial e otro scorenan di e weekend tabata: Mercurius 5, Marcial - Tromp 0, ya cu esakinan no a presenta. Gebroeders van Swaaij tambe a obtene un triunfo den similar forma contra di Bodegom, cual equipo tambe a brilla cu su ausencia.

Den e division di Gobierno Openbare Werken tambe a obtene triunfo di 5-0 mediante default. Nan rivalnan cu no a presenta ta e Polisn. Douane a gana di

Onderwijzernan di Oranjestad cu anotacion di 2-0. Tanto Douane como D.O.W. tin awor total di 13 punto riba nan number. Nan dos ta empata den e promer puesto di e campeonato di gobierno, pero cu e diferencia cu e douaneronan mester hunga un wega mas, mientras cu D.O.W. a hunga henter su programa awor. Douane mester enfrenta DoHyKad y di e partido aki ta depende si lo tin of no un empate den e promer lugar di e campeonato gubernamental.

CUMPLEANJOS

Dia 7 di april a cumpli 9 anja di feliz existencia e hobencito Herman Jozef Croeze, felicitacion ta bini di su mama Dominica, tata Jacinto, rumannan Catalina, Margriet, Nicolina, Adela, Cresi y Poly, welo y welanan tantanan y omonan Rosa Peña, padrinonan Angel Geerman y Victoriano Willems, tambe di tur su amiguitonan di derde klas na Santa Cruz y demas famia Croeze y Kock.

Super Cleaning ta continua invicto

(Di Nos Redactor Deportivo)
Su victoria number shete den mes tanto salida e novena di Super Cleaning a obtene dia Sabra atardi derrotando e equipo di Aruba Lions cu anotacion di 3 carrera pa 2. E peloteritonan di Super Cleaning cu e triunfo aki ta continua marchando firmemente na promer lug a di e Liga Sur di e Campeonato 1964 Little League. Nan a conecta seis hit y fildea impecablemente, mientras cu e leoncitonan a conecta cinco hit y comete un error. E encuentro aki pues tabata interesante y di bon caliber infantil. Pitcher ganador tabata S. van ter Pool, perdiendo A. Howell.

American Legion a supera Libby's cu score di 6 carrera pa 3 conectando shete hit contra tres di nan rivalnan. E legionarionan a pifa den solamente un ocasion y Libby's den seis ocasion. T. Michaels di Legion a conecta un homerun. Mayne tabata e pitcher ganador pa American Legion y e perdedor tabata K. de Cuba. Cuscore di seis carrera pa 5 Aruba Rotary a gana di Viana's. E hitnan conecta tabata net contrario di e carreranan, esta cinco door di Rotary y seis door di Viana's. E errornan cometi tabata dos door di Rotary y tres door di Viana's. R. Wout a resulta e pitcher ganador perdiendo R. Weaver.

Den Liga Nord O So Grape, lidernan di e liga, tambe a logra un triunfo. Nan a gana di Wrigley's P.K. cu score di 11 carrera pa 1. Ganadornan a conecta 6 hit y comete un error. Wrigley's a conecta 4 hit y comete 1 error. E. Correa tabata e pitcher gana-

dor y B. Flemming e perdedor. Aruba Caribbean Hotel a obtene su victoria number cuatro derrotando U.S. Keds 6 carrera pa 5. E hitnan conecta tabata 9 di e hoteleronan y cinco di U.S. Keds. Esaki tabata e partido di e weekend den cual mas error a worde cometi Caribbean Hotel a comete cinco y U.S. Keds diez. Pitcher ganador tabata T. Kelly, perdedor R. Angela. Un homerun a worde conecta door di R. Kock di U.S. Keds, kende a bati di mil punto cu tres hit den mes tanto turno.

Tambe cu diferencia di un solo carrera a termina e partido entre Nutricia y Pepsi Cola. Cu score di 4-3 Nutricia a resulta ganador conectando ademas 7 hit y cometiando 3 error. Pepsi Cola a liga tres imparables y a comete un error. Pitcher ganador tabata J. Tromp, kende por cierto a conecta tambe un homerun. R. Cabenda tabata lanzador perdedor. Incluyendo e seis partidonan di e weekend ultimo, nos ta hanja e siguiente sifranan den e dos liganan:

CLUB	WG	WP	WA
Liga Sur			
Super Cleaning	7	0	--
Lions	4	3	3
Americ. Legion	3	4	4
Ar. Rotary	2	3	4
Libby's	2	4	4 1/2
Viana's	1	5	5 1/2

LIGA NORD			
O So Grape	5	1	--
Ar. Carib. Hotel	4	1	1 1/2
Wrigley's	3	2	1 1/2
U.S. Keds	2	4	3
Nutricia	2	4	3
Pepsi Cola	1	5	4

HINDERORDERING ARUBA

De Gezaghebber van het eilandgebied Aruba maakt bekend dat door Adolf M. Brandon een verzoek is ingediend ter verkrijging van een vergunning tot het mogen oprichten en in werking brengen van een timmerwerkplaats op een perceel gelegen aan de weg Oranjestad - Santa Cruz te Morgenster.

Gedurende dertig dagen na heden ligt genoemd verzoek met bijlagen op de afdeling Algemene Zaken van het Bestuurskantoor ter inzage en gedurende die termijn kan een ieder mondeling of schriftelijk zijn bezwaren kenbaar maken.

Aruba 4 april 1964

De Gezaghebber voornoemd,

RON REY DE COPAS

TA REGALA FLs. 3000.--

Na su consumidornan

Simplemente duna e nombenan pa e tres rumannan.

E tres rumannan ta e 3 popchinan den show window na

oficina di Ron Rey de Copas - Wilhelminastr: 47

Tin un premio di fls. 1000.--

pa cada nomber favoreci



"Las tres hermanas" otro concurso sin igual cu fls. 3000.-- pa regala!



REGLANAN PA PARTICIPA DEN E CONCURSO

- 1) Entrega 1 botter bashi di Rey de Copas di 1/2 gallon of 2 botter bashi di Ron Rey de Copas di 3/4 liter of 4 botter bashi di Ron Rey de Copas di 24/2 of 8 botter bashi di Ron Rey de Copas di 48/4 na Aruba Distilling Co., Wilhelminastrat No. 47 y bo ta hanja un formulario pa yena bo nomber y direccion y e nombenan pa e tres rumannan
- 2) Entregá e formulario aki yená na oficina di Aruba Distilling Co., Wilhelminastr. No. 47 y percira pa bo recibo, cu ta pega na e mes formulario, ricibi su stempel di entrega.
- 3) Warda dia 29 di april 1964 y cobra bo placa si e nombenan cu bo a duna ta e nombenan favorecé.
- 4) E mes persona por yena cuantun formulario cu e ta desea, contal cu e entregá pa cada formulario e cantidad di botter bashi requerido.
- 5) Si tin mas cu un beneficiado, e premio ta ser parti den esnan cu tin e nombenan escogí.
- 6) Exigi pa bo recibo tin un stempel di Aruba Distilling Co.

SEMPER E FAVORITO

RON REY DE COPAS

EL REY DEL TRAGO

NOTA:

Directiva di Aruba Distilling Co. ta e unico entidad responsable pa scogemento di e nombenan. E nombenan aki lo no ser scoge pa suerte y si e nomber aki ta igual na cualkier nomber cu surgi pa algun acontecimiento, esaki ta debido na pura casualidad.

REY DE COPAS

ARUBA DISTILLING CO.

Wilhelminastr. 47

Tel. 1266

Show di peinado y moda pa "Un Yuda Otro"



Un di e 27 encantadora modelanan cu a de monstra peinadonan di Aura's Beauty Shop y bisti di Whitfields Dress Shop diadomingo atardi durante un show cu a word e te ni na fobor di un yuda otro.

Esaki ta Helen Croes bisti masha bunita.

E bunita peinado aki a worde jama door di Sra. Aura Croes como "Marie Antoinette". El a worde presenta pa Sra. Jane Turner.

Dos di e modelanan di mas bunita di e show di dia domingo atardi tabata: Trina Arends (banda robez) como Chines y Edith Maduro como Espanola.



Esaki ta un parti di e grandioso grupo cu a duna nan cooperacion diadomingo atardi na e show na fabor di un yuda otro. E potret a worde saca na e momento cu Sr. Hubert Booi, na nomber di un yuda otro ta gradici Sra. Aura Croes pa e manera excelente cu el a prepara e show.

CONFERENCIA MUNDIAL DI COMERCIO

8 april.

Ora cu secretario Portugues di estado di comercio, Armando De Paula Coelho, a subi e podio, mas di 90 delegado foi Africa, Azia Latino Merica y paisnan comunista a sali dje sala.

E president El Kaissoueni, minister di finanzas di republica arabe Uni, ya a sali di su lugá di

president prome cu delegado Portugues a lanta foi su luga. Ningun dje vice-presidentnan Latino America kler a tuma despues - puesto di president.

En Canadiense Wilgress a dici di despues pa convoca e orador Portugues. Un 30 delegacion a keda asisti e reunion. A participa ne conferencia 121 pais.

Na Ginebra a dicidi di stop cu e intentonan pa obtene expulsion di Africa del Sur y Portugal dje conferencia, segun anuncia na Ginebra. Segun anuncia, causa pe decision aki ta un peticion dje president Egypto dje conferencia pa no entrega resolucioannan cu ta

trece exito dje conferencia den peliger. E president Dr. El Kaissoueni, a bisa cu nan no tin derecho di expulsa ningun pais, pasombra tur ta invita pa nacionnan Uni riba base di un decision di Asamblea General.

Secura grandi na Surnam

Paramaribo, 8 April. (ANP)- Foi algun tempu ta eina candela den mondi na Surnam causa pa un segura den e ultimo lunanan aki. Door dje se-

cura e mondinan ta pega candela masha liher. E poblacion den districtonan di Surnam ta sufri tambe hopi dje segura. Nan ta hanja awa di bebe cu ta ser transporta di Parama cu trucknan di awa. Casi tur e riunan den e districtonan ta secu. E produccion di lechi a baha y tambe cosesha di arroz ta bai fracasa. E berdura cu nan ta cumpra ne marche central tamasha caro.

BISHITA DI SOEBANDRIO NA EUROPA A TERMINA

Roma, 8 april - E minister Indones di asuntunan exterior Dr. Soebandrio a sali foi Roma pa Indonesia. E tabatin un entrevista cu prome minister Aldo Moro di Italia. E minister Indones y senyora Soebandrio a llege capital Italia foi Paris. Prome nan a bishita Francia y Ulanda.

Den un entrevista vu revista Ingles "The Times", Dr. Soebandrio na Inglatera, antes e tabatin masha admiracion pe methodonan Britanico y nan resultado, pero cu actualmente no ta asina sigur mas dje sabiduria dje Britaniconan. Segun e Inglatera y Indones ta luchando na Sur Oost Azia pe mesun fin, entre otro di goberna e Chinesnan. Pero e ta duda seriamente ne manera cu Gran Britanico ta emprende esaki.

E no ta comprende entre otro di con e Britaniconan ta kere dipor keda cla, cu e millones di Chinesnan na Malakka door di tuma centenar di habitantenan di Noord Borneo den federacion di Maleisia. E minister Indones A BISA, CU China cu su 700 millo habitantenan semper lo ta un problema, sin di tene cuenta cu su sistema politico. Indonesia, segun el a muestra, por resolve e problema Chines... Dr Soebandrio a declara di ta contentu cu entre su pais y Ulanda no ta existi mas kestionnan politico.

AVISA GRECIA TURKIA TA

Athens, 8 april - Un atake riba e destacamentu Turco na Cyprus lo wordu considera como un atake riba Turquia mes. Segun anuncia den un nota, cu awe malnta tempran a wordu entrega na Athena ne minister Griego di asuntunan exterior pa e embahador Turco.

Conflicto Panama-Merca

Ciudad di Panama, 8 april - President Robert Chiari di Panama a nombra Dr. Jorge como delegado especial na Merca pa regla e conflictonan cu ya basta tempu caba ta existi entre e dos paisnan. Ya Dr. Jorge Illuega a yega di representa Panama den diferente puesto na nacionnan Uni.

Constitucion di Consilio Tocante

Medidanan di Publica

Ciudad del Vaticano, 8 april - Ultimamente nan a publica bow dje fecha 7 di maart 1964 un "motu proprio", di papa Pablo titula "Infructibus", tocante e manera di ehecucion di constitucion di consilio y e medidanan di comunicacion social, manera prensa, comedia, pelicula, radio y television. E decreto papal aki ta ser anuncia instalacion di un comision papal- di cual e cantidad di miembro no ta stipula- cu tin como trabow di vigila ehecucion di esaki. E comision aki no tin mag di mescla su mes den e actua l autorisacion di congregacion romano, loke ta referi medionan di publicidad.

AGENDA

ARUBAANSE COURANT

diariamente cu excepcion di diadomingo
 subscripcion f. 3,25 pa luna
 edicion los 20 ct.
 edita pa:
 N.V. ARUBAANSE DRUKKERIJ
 - en UITGEVERS - en PUBLI-
 CITEITS MIJ.

imprimi na:

N.V. DRUKKERIJ
 „DE STAD,,

Telefoon 1116 Directiva y redac-
 cion, 2116 Anuncio y subscrip-
 cion.

Directeur hoofdredacteur:
 D. Wolff.

RADIO CARACAS TELEVISION

8.45 Senderos de luz.
 9.00 T.V. Educativa.
 10.30 Cosas de mujeres.
 11.15 El hogar y la moda.
 11.45 Novela.
 12.00 Noticias.
 12.05 Show de Renny.
 13.15 Se necesita una amiga.
 13.35 Cortos.
 14.00 Yo se lo vendo.
 14.30 Documental.
 15.00 Estudio de Hector Monte-
 verde.
 15.30 Perfecta ama de casa.
 16.00 Mejias y sus muchachos.
 17.00 Busque su marca
 17.30 Que monada de familia
 18.00 Circo de frontera
 19.00 Tallahassee
 19.30 Dick van Dyke
 20.00 El observador
 20.15 Teatro frances
 20.45 Don Camillo
 21.45 Bonanza
 22.45 Noticias
 23.00 Ajedrez fatal
 24.00 Randal el justiciero



BANDOLERONAN NA VENEZUELA

Maracaibo, E diario
 Panorama ta informa den su ultimo
 edicion cu den algun region di
 Venezuela e "bandoleronan" ainda
 ta operando.

E "bandoleronan" ta un mezcla
 di guerrillero y asaltantenan, ken-
 denan den tempunan pasado tabata
 hopi activo den e region Tolima.

Condena pa secuestradoman

Los Angeles, John
 William Irwon, un di e tres con-
 victnan quende a participa den
 secuestro di Frank Sinatra Jr.
 ayera a worde sentenciá na 16
 aña y 8 luna di prison pa un cor-
 te federal.

Anteriormente, e tribunal a con-
 dena e dos otro culpablenan Jo-
 seph Clyde Amsler y Barry Wor-
 thington Keenan na cadena perpe-
 tua. Irwon a scapa e sentencia ey
 comoquiera qu el a participa
 indirectamente den e secuestro,
 a nke el a actua como complice.
 Sinatra Jr. a worde secuestra
 dia 8 di december ultimo y des-
 pue a ser pone den libertad pa
 su capturadornan quendenan a
 existi tata di e victima un suma
 di 240,000 dollar.

ESSO MARACAIBO CONTRA BRUG LAGO DI MARACAIBO

Maracaibo, Por lo menos 5 persona a
 muri hogá ora qu e tanker Esso Maracaibo a dal
 contra di e brug riba Lago de Maracaibo

Como consecuencia di e choke, por lo menos 200
 meter di e estructura di e brug, y cuater vehiculo
 a cai na awa.

E barcu qu a dal contra epilar-
 nan 31, 32 y 33, al parecer a su-
 fri un desperfecto den e machin-
 nan. Capitan di e barcu di 36,00
 tonelada, Avelino Zaulaika, a in-
 forma qu no tabata tin heridonan
 entre e tripulantenan.
 Tal parti di e brug a cai riba e
 barcu, qu, segun ta ser bisa,
 tin perdida di petroleo y ta lek
 hopi zeta.

Henter e trafico maritimo di e
 Lago a keda temporalmente in-
 terrumpi, y cu esaki tambe, e
 movimiento di petroleo di e poos-
 nan di e Lago. E desplome di e
 brug tambe a suspende e princi-
 pal medio di comunicacion entre
 Maracaibo -- e segundo ciudad
 grandi di Venezuela, cu 500,000
 habitante -- y e resto di Vene-
 zuela.

Ainda e causa di e suceso no a
 worde determiná. Esso Maracaibo
 tabata nabegando den direc-
 cion di norte cu un cargamentu
 di petroleo pa e enorme refineria
 di Aruba, ora qu ela dal contra
 e brug pa banda di mas o menos
 mitar di un. E barcu ta un di e
 cuaternan, qu ta propiedad di
 Creole Petroleum Corporation,
 subsidiaria di Standard Oil di
 New Jersey, y e productora mas
 grandi di petroleo na Venezuela.

Ta ser pensa qu e brug no por
 worde usa durante di basta tempu.
 E brug aki a worde inaugurá na
 augustus di aña 1962. E tabata e
 mayor obra publica individual di
 e gobierno di presidente Romulo
 Betancourt. Un ferry qu tabata
 uni Maracaibo cu e resto di e
 pais a stop di funciona, ora qu e
 brug a worde ina

CINE

De Veer: 6.00 p.m. "The Three
 Stooges Meet Hercules" all
 8.30 p.m. "Five Finger Excer-
 cise" 18 j
 Rialto: 8.00 p.m. "The Best of
 Enemies" all
 Aurora: 7.30 p.m. "Eichmann
 His Crimes and Judgment" 18 j
 Savaneta: 8.00 p.m. "Picnic" 18 j

TELEARUBA

05.30 Cartoons
 06.00 N.A.N.A.
 06.30 Verrekljker
 06.45 Papiamento Newscast Live
 & Filmnews
 07.00 Phil Silver Show
 07.30 Informacion Amstel
 07.45 Lassie
 08.15 This man Dawson
 08.45 Viana's Latest News
 09.00 Specials
 10.00 Sign Off.

BOTICANAN DI WARDA

Oranjestad: Botica Aruba Tel:
 1080 1081
 San Nicolas: Botica San Lucas
 Tel: 5119

POR FIN E AMOR VERDADERO

NOVELA

No. 8

Mesora el a lanta para y a bin
 serca dje. "Srta. Fos? Ta mi ta-
 ta a mandabo? Despensasmi por
 fabor pasobra akiden ta ribabou.
 Mi ta supone, cu ya bo a tende
 algo di mi promocion. Pa bira
 director, bo ta cansa bo curpa
 hopi. "Natural, Brigit a bisa.
 sr. Director. Nan a trasiadami
 pa akinan. Bo tata tabata kler pa
 mi bira bo secretaria. "Kiko bo
 di? Frenky a keda sorprendá
 ora el a tende esaki. "Pero di
 unda el a saca e idea ey? anto bo
 Esey mester ta un equibocacion?

"Mi no ta kere", Brigit a bisa.
 "Pero si bo no ta di acuerdo an-
 to bo tata lo kibra su decision."
 "Mi no ta di acuerdo, pero esey
 no por ta posibel, pero... por
 fabor Srta. Fos, bo kler a war-
 da mi un rato? Mi ta bay acla-
 ra e asunto un rato. Mi tata tin
 algo hica den su cabes..." Fren-
 ky no a caba di papia, pero Bri-

git tabata sa masha bon, kiko e
 kler meen. Kler meen cu toch
 el a conta su tata, cu Brigit no
 tabata malo dia. Mientras Fren-
 ky a bay serca su tata, Brigit
 a dicidi di conta Frenky e ber-
 dad. E no tin motibo di sintiber-
 guenza di su actuacion. Frenky
 a haya su tata su so. Cu un cara
 rabla el a jega serca dje. "Srta.
 Fos, ta den mi kamber, ei a cu-
 minza bisa. "Mi sa esey, ta mi
 mes a mandé, e tata a contesta
 tranquil. "Ta asina lihé bo ta cor-
 re bin jamami danki? "Jama-
 bo danki? Mi no ta comprendebo
 papa, ta kiko e coy kens aki kler
 meen? Brigit... mi kler meen
 Srta. Fos ta bo secretaria. Mi no
 ta kere, cu bo tin razon di ta in-
 satisfecho di dje. Jamé bek. Y a-
 demas di esey, tur hende por bira
 malo un dia. "Natural mi no
 por corda tampoco, cu mi a tira
 algo na su cara di esey. Pero
 pakiko bo ta excita bo mes tan-

to? Mi kler a hacibo contento.
 Segun mi ta mira, bo a compren-
 demí completamente robet. "Mi
 no ta worry no, Frenky a con-
 testa serio. "Pero mi ta kere cu
 Srta. Fos ta sinti cu el a bay a-
 tras, na lugar di progress, bo no
 ta comprende? "No, e no por
 kere esey, solamente si el a com-
 prendemí malo. Mi a pidié, pa
 yudabo den bo puesto nobo, Fren-
 ky pero boso tur dos ta loco.
 Ta amor a pone bosonan bira a-
 sina bruhá? Bo por wei di conta
 bo tata. Mirami Frenky, mi ta
 contento si ta asina. "Amor?"

Frenky a bisa. "Bo ta kere, cu
 mi...cunos... papa, bo...? "Si,
 mi ta equivocá, mi sa esey, e ta-
 ta a contesta cu bofon. "Ningun
 hende tin razon di hinca nan na-
 nishi den asuntunan privá di otro
 hende, no ta berdad? Mi ta lubi-
 da esey. Pero toch mi ta con-
 tento, mi jui. E ta un bunita mu-
 cha muhé. Pero di con bo cara
 a bira palido asina? Ban mira,
 bin sinta. Laga nos brinda un ra-
 to. "Su tata a coy un botter y
 dos glas foy den cashi. Cumasha
 atencion el a jena e glasan.

"Bo kler pa nos brinda pa bo se-
 cretaria?", el a puntra hari. "Pa-
 sobra bo ta pone un cara, manera
 cos cu nan a dunabo lamoenchipa
 come. "Y esey ta stranjabo an-

to? Frenky a laga su curpa cay
 den un stoel. "Pero papa, di unda
 bo a saca e idea absurdo ey? Bo
 ta equivocá di berdad. Entre ami
 cu Srta. Fos no ta existi nada per-
 sonal. Di unda bo a saca esey?"


"Masha facil, mi jui", e tata a
 bisa tranquil y dicidi. Mi tabata tin
 "Masha facil, mi jui", e tata a
 bisa tranquil y dicidi. Mi tabata
 tin tempo y ocasion pa mira esey
 y ademas di esey mi conocebo ca-
 ba trinta anja largo. Bo no por
 nek mi asina facil. Bo por wei
 di admiti nuna. Enamoramento
 ta algo esplendido, y ya cu ta cu
 Brigit, cu ta ocupando bo pensa-
 mentonan, mi por comprende ma-
 sha facil. E ta un bon mucha mu-
 hé y masha agradabel. Kiko bota
 bisa? Nada, okay mi jui, mi no
 kler insisti. Mihor nos no papia
 mas tocante esey. Haci bo trabao
 bon y haci pa mi por ta orgulloso
 di dunabo e puesto cu tanto res-
 ponsabilidad aki. Mi ta spera cu
 nos a compronde otro perfecto
 awor. "Si papa, Frenky a con-
 testa, y a lanta para. Ya el a ye-
 ga na e porta, ora cu el a bira su
 cara bek. "Y e otro...mi kler
 meen...en berdad nos no tapa-
 pia mas tocante esey? Su tata
 a sonrei. Despues Frenky a sali
 bay y e tabata sa cu su secreto
 ta bon wardá. Ora cu Frenky a
 jega bek, ya Brigit a cuminza
 warda podo cos caba na nan lu-

gá. Un poco tímida el a keda mi-
 ré. Despues Frenky a hiza su
 schoudernan y a bisa: "Nos ta-
 bata equivocá. Srta. Fos. No ta-
 bata intencion di mi tata, pa la-
 gabo sinti cu bo a bay atras. E
 tabata kler pa bo yudami, y esey
 ta muestra di e confianza grandi,
 cu e tin den bo. "Mi sa esey",
 Brigit a contesta keto. "El a bi-
 sami caba, y pesey bo no tabata
 tin mester di bay serca dje. Pe-
 ro abo awor, bo tin confianza den
 mi Sr. Director? "Brigit, ta
 con bo por puntrami algo asina?"

"Mi kler meen na serio y mi
 kler pa bo dunami un contesta
 sincero. Cu gusto io mi traha
 pa bo y cu bo, pero mi no por ha-
 ci esey si bo ta hayami frivola y
 sin consenshi. "Ta kiko e dis-
 parate aki kler meen? Mi a la-
 gabo ripara algo anto? "No,
 alcontrario, bo tabata sa, cu mi
 no tabata maio.

Tabata masha natural anto, pa
 bo informa bo tata esey. Pero
 mi no kler pa bo kere cu mi ta
 un ganjado. Mi no a bisabo ber-
 dad, mi a hacié, pasobra mi....
 El a pega y a baha su cabez a-
 sina hopi, cu su cabeynan a to-
 ca su cara. Y di repente el a cu-
 minza jora.

E ta sigui.



MESA BOTO-Ora el a tende un arquitecto naval bisa, cu e por
 maneha un boto si e haña poder, Robert Roeber a tuma e cos aki
 na serio. Mira e resultado aki riba.

RIP KIRBY

pa cortesia di:

JAN BODEGOM & CO (ARUBA) N.V.Agente exclusivo di **FRIESCHE VLAG**

lechi evaporado y lechi en polvo

MAXWELL HOUSE KOFFIE.**CISCO KID**

pa cortesia di:

ARUBA BOTTLING COMPANY


NESBITTS den varios sabor, e refrescan mas pidi y mas gusta na Aruba.

**PEPITA**

pa cortesia di

OFICINA MARITIMA DE ARUBA

TRANSPORTACION DI MERCANCIA Y MUDANZA TEL: 2664/1622.

**BUCHI ROBEZ****DICK TRACY****Horoscopo personal**

ARIES-21 di maart-20 di april
Esaki ta un otro bon dia pa Aries. Realisa un ventaha cu tabatin presenta ya for di varios dia.

TAURO-21 di april-21 di mei
Cuestionnan importante, especialmente esnan cu ta referi na bon raisnan por ser arregla cu exito y cu bon utilidad.

GEMINIS-22 di mei-21 di juni
Scucha bo propio cosenshi. Lo ta mihor si bo keda den bo propio grupo, gana o perde, cu bira desleal na su causa.

CANCER-22 di juni-23 di juli
Esaki ta un bon dia pa hasi contactonan, cu profesionalmente por ta masha util. Si ta necesario amplia bo interesnan.

LEO-24 di juli-23 di augustus
Esaki por bira un gran dia pa Leo cu traha di acuerdo cu e plan di accion proba cu anterioridad. Evita di corre riesgonan cu no ta necesario.

VIRGO-24 di augustus-23 di september
Cambionan ta spera Virgo e dia aki. Un viahe por ta masha ventahoso pa su futuro inmediato.

LIBRA-24 di september-23 di october
Ya sea cu nan pidibo o no, acepta e responsabilidad adicional ora bo por. Esaki mester ta vale la pena.

ESCORPION-24 di october-23 di november
E ingreso inverti mester produci bon utilidadnan awor. Sin embargo, tene masha cuidao pa bo no extendebo di mas.

SAGITARIO-23 di november-22 di december
Esaki ta un dia den cual lo bo ta obheto di gran atencion. Laga e lealtad di otronan guia bo accionnan e dia aki.

CAPRICORNIO-23 di december-20 di januari
Esaki ta un dia den cual bo por laga bo interesnan asumi bo control.

ACUARIO-21 di januari-19 di februari
Coopera completamente cu e personanan cu tin autoridadnan pa hasi e cosnan ei. Escohe bo compañoanon, teniendo en mente e consecuencianan di man y tur cos lo sali bon.

PISCIS-20 di februari - 20 di maart
Un poco exito mester mehora bo propio confiansa. Aprobecha bon di bo optimismo nobo.

Crisis politico na St. Domingo

Santo Domingo, e pais aki ta sigui den un crisis politica dificil debi na ku e miembro di e triunvirato Ramon Tapia Espinal ainda no a presenta su renuncia for di e cargo ku e ta ocupa den e triunvirato aki, ku a ser exigí n'e como consecuencia di un situacion castrense.

Guardia Nacional ku tabata custodiar su residencia a ser retá y despues reimplementa sin ningun splicacion oficial a ser duna pa e movimientonan aki.

Reid Cabral otro di e miembronan di e triunvirato, a regresa di un bishita na e base aerea di San Isidro y posteriormente a celebra un reunion oficial ku e miembronan di e guardia presidencial, na e cuartel di e compania, pega ku e palacio nacional. Na e oportunidad ei a splica e situacion politica na e soldanan, exhortandonan pa cumpli ku nan deber pa ku patria.

Den e ultimo horanan aki a circula e version di ku e miembro di e triunvirato Manuel Tavares Espaillet lo a presenta su renuncia, ku cual Reid Cabral lo a keda su so den gobierno. E rumor aki posteriormente a ser desmenti.